



Шогшо эл, порымик да гим верр!

Будь готов/

# ЯМДЕ ЛИЙ

1933 ий 1 февраль годсек лектеш.

0+

7 февраль – Спортын телымсе  
видше-влакын кечышт.

## «Лум онга» дене мунчалта

«Сноуборд»  
шомак англичан  
йылме гыч пурен:  
«snow» – лум,  
«board» – онга.

Сноубордым  
1960-шо ийлаште  
Мичиган  
штат (США)  
гыч Шерман  
Поппен шонен  
луктын.

Фотом еш архив гыч налме.



Лум лыжган лумеш. Чон уремышке ўжеш. Ёдыр-рвезе-  
влак курык гыч издер, ече, ватрушко дене мунчалтат.  
Йошкар-Оласе 1-ше номеран школын 3-шо классыштыже  
тунемше Костя ФИЛИППОВ (снимкыште) каныш кечы-  
лан Морко районысо Коркатовыш сноуборд дене мун-  
чалташ вашка. Яллаште «лум онгам» шуэн ужаш лиеш.  
Рвезым чўчўжў В.Н.Васильев курык гыч волаш туныкта.

– Костя спортлан шўман. Олаште бассейныш  
коштеш, иймаш дене кокымшо разрядше уло.  
Сноуборд дене кокымшо ий тренировкым эртарем.  
Изаже-влак ден акажын мунчалтымыштым ужын,  
тудынат кумылжо лектын, – ойла Вячеслав  
Николаевич.

Костян курык гыч мунчалтен волымыжым ялысе йоча-  
влак кугешнен да ёрын ончат.

Х.АЛЕКСАНДРОВА.

### ПОДПИСКЕ

«Ямде лий» газет-  
лан кажне тылзын 15  
числа марте возалташ  
лиеш:

- ✓ верласе связь отделе-  
нийыште (почто);
- ✓ [podpiska.pochta.ru](http://podpiska.pochta.ru)  
сайтшы пурыза але  
«Почта России» мобиль-  
ный приложенийым теле-  
фоннышкыда шындыза.

Подписчик-влак коклаште  
лотерей модышым эртарена.  
Тўн пўлек – номер-влак  
почеш чиялтышаш сўрет.

Рекламе.

**Сенгымаш**

Йошкар-Оласе «ЗУМ» йоча киностудийын тунемшыже-влак Евгений Яблонский ден Наталья Исмакова (**снимкыште**) «Взгляд в медиабудущее» тунямбал конкурсышто «Юные журналисты за умное и полезное информационное пространство»



**Ончыкылыкыш ончалтыш**

тангасыште Гран-при дене палемдалтын.

Конкурсышко школлаче пресс-рүдерла, телестудийла, усталык ушемла, йоча газет редакцийла гыч 11-17 ияш самырык журналист-влак ушненыт. Россий, Франций, США, Белоруссий, Казахстан, Узбекистан, Украина, Египет гыч пурышо 1500 утла журналист паша аклалтын.

*Сенгыше-влаклан «Артек» тунямбал йоча рүдерыште эртаралтыше VII Тунямбал медиафорумыш путевкым кучыктеныт.*

**Л.ГРИГОРЬЕВА** ямдылен. **Фотом Интернет** гыч налме.

**Российысе увер**

Кум ияш деч кугурак ийготан ег-влакым «Уло тыгай профессий – шочмо элым аралаш» всероссийский онлайн конкурсш ушнаш ўжыт. Конкурс 15 гыч 23 февраль марте шуйна. Паша ден йодмашым [aragom-studio@mail.ru](mailto:aragom-studio@mail.ru) адрес дене электрон почтыш колтыман.

Тунемше-влакын российысе толкынышт йоча-влакым 8 февральыште, Российысе науко кечын, «Научное погружение» квизыш ушнаш ўжеш. 2-10 еган командым чумырман да [рлш.рф](http://рлш.рф) сайтыште возалтман.

Россий Президент В.В.Путинын кўштымыж почеш, Марий Элыш 20 пианином конденыт. 10 пианином Национальный президент сымкытыш школан пуэныт. Мольжым республикын 10 районысо да одаласе сымкытыш школ-влак налыт.

**Марий Элысе увер**

8-17 февральыште Марий Элыште «Лўдыкшыдымō Интернет декаде» эртаралтыш. Туныктымо тōнежлаште марафон, урок-влак лийыт. Туныктышо-влак конкурслашке ушнен кертыт. Ача-ава-влак погынымашыште лўдыкшыдымō Интернет нерген канашат.

Марий Элыште «Самырык тукум» республикысе конкурс эртаралтыш. Кок номинаций лиеш: калык модыш почеш театр постановкым войзаш; шочмо вер нергеншке гыч почеламутым сераш. Йодмаш ден пашам 19 март марте [mari-centr\\_konkurs@mail.ru](mailto:mari-centr_konkurs@mail.ru) адрес дене электрон почтыш колтыман.

Козьмодемьянск оласе Остап Бендер лўмеш сатир да юмор тоштер «События России» национальный премийым налын. Санкт-Петербург гыч художник-иллюстратор Т.Лахонинан ончерже дене «Культура. Выставки, вернисажи, биеннале» номинацийыште икымше лийыныт.

**«Культура»** нацпроект почеш С.Г.Чавайн лўмеш Национальный библиотеке «Сочинения, принадлежащие к грамматике черемисского языка» икымше марий грамматикым цифроватлен. Шуэн вашлийтыше книга 1962 ий 27 апрельыште книгагудылан профессор Н.Пенгитов пōлеклен.

**Историйым шергалына**  
*Руш-япон сар годым 1904 ий 9 февральыште «Варяг» руш крейсер да «Кореец» канонерский пуш Чемульпо ола воктене япон эскадр ваштареш геройлын крдалыныт.*

**Кугешнена**



«Идалыкын туныктышыжо» всероссийский конкурсын районысо йыжынже эртаралтын. Школлан чапшым математикым туныктышо Г.Б.Ишпаева (**снимкыште**) арален да кумшо верыш лектын. Гульнара Борисовна – келге шинчымашан, кугу опытан, уста туныктышо. Тунемшыже-влак олимпиадыште, конкурсышто сенгышыш лектыт. Туныктымаште эре у йōным кычалеш. «Точка роста» рүдер пелен «3D моделирование» кружокым вўда. Гульнара Борисовна дене моткоч кугешнена.

**О.ИЗИБАЕВА**, туныктышо. Татарстан, Агрыз, Буймо.

**Теле келша**

Мыланем теле келша. Кызыт пасу, корем, чодыра мамык тōшак дене леведалтын. Кече ончымо годым лум шийла койын йылгыжеш. Мый шулдыран йолташна-влаклан кормушкым сакенам. Нуным тамлын пукшем.

**Надя СМЕРНОВА.**

**Национальный президент** школ-интернат.

*Усталык шўлышан Шуматовмыт еш Пошкырт кундем Пўрө (Бирск) олаште ила. Виталий Минильбаевич «Алёна» калык цирк студийыште режиссёрлан тырша. Алина Алексеевна – «Энсай» куштышо йоча ансамбльын вуйлатышыже. Нуно кок икшывым ончен куштат.*



– Кеч-могай паша чонлан келшыше, куаным кондышо лийшаш. Мый йоча-влакым кушташ туныктем гын, пелашем чыланнам цирк деке шўманден. Эше 90-ше ийлаште, студийым чумырымекеже, циркыш да тудын студийыш коштшо йоча-влак мыланна шкелан еш гай чучыныт. Виталий 5 гыч 24 ияш марте йоча да самырык-влакым жонглироватлаш, акробатикылан, клоун сомыллан да тўрлө цирковой трюкым ышташ туныкта. «Хатка Раджа йога» эрвел модыш шукуштан келша. Кенез жапыште мыят циркын труппышкыжо ушнем. Тўрлө фокусым ончыктем, шўдышым (обручым) пўтырем. Икшывына-влак акробат улыт, – ойла Алина.

Цирк ешыште йоча артист койышан кушкеш. Шуматовмыт ешыштат тыгак. Наташа изинек гастрольыш коштын. Сандене могай профессионалым ойырен налме нерген йодыш лийын огыл. Кызыт тудо Екатеринбург олесе сымык-

тыш колледжын цирковой сымыктыш факультетыштыже шинчымашым пога. Демид Бирск олесе 1-ше номеран школын 4-ше классыштыже тунемеш. Аккор-

## Цирк – куан, еш – ласкалык



деон дене шокта, «Энсай» ансамбльыш коштеш.

Марий ешыште шочын-кушшо ача-ава пайрем йўла-влакым кучат. Икшывыштымат шкешт гайымак куштат. Алина Алексеевна ачажын шочмо

верыштыже, Калтаса район Соганэгер ялыште, еш тоштерым почаш шона. Кызыт тошто вургемым, арверым, ожнысо ял калыкын фотожым поген, коллекцийым ыштен.

Кугече, Ёярня, Шорыкйол йўлаш пурышо пайремлан шотлалтыт. Нине пайремлан Шуматовмыт унам вучат. Ик эн шергакан уна – Алина Алексеевна аваже. Тудо мелнам кўэштеш, пырля тўрлө кочкышым ямдылат. Ты кечылаште кухнышто паша шолеш.

Шуматовмыт еш тўрлө конкурсышто чолгалыкым ончыкта. Ёмаште Еш, йоратымаш да ўшанле улмо кечын тўвыра да сымыктыш аланыште тыршыше еш семын палемдалтыныт. Нунылан дипломым да шергакан пөлекым кучыктеныт.

**Е.ИВАНОВА** мутланен.

Фото-влакым еш архив гыч налме.

## Шўжарем

Изи Настю шўжарем  
Кажне кечынак кушкеш.  
Ўдыр мотор, весела,  
Почеламутым сайын ойла.  
Шўжаремым йоратем,  
Машинамым пөлеклем.  
Модына лач куанен,  
Куштена марла тавен.  
Вот тыгай мыйын шўжар.  
Эше нөргө да ужар!

**Дима ОХОТНИКОВ.**  
**Шернур, Марисола.**

улыт. Нуно жапым яра огыт эртаре. Сурт сомылым тўрлат, ушкалым, презым, чывым ончат. Мый кочакова дене пырля лияш йоратем, сандене чўчкыдын полшаш коштам.

**Всеволод НИКИТИН.**

**Кужэгер, Шўдымарий.**



## Шонгыенлан полшыман

Кочам Александр Николаевич ден ковам Елена Ивановна сулен налме канышыште

## Мастар озавете

Эн лишыл да йоратыме айдеме – ава. Тудо мыланем илышым пөлеклен. Авам – пеш мастар озавете: тамле кочкышым ямдыла. Мелнам да перемечым кўэштеш. Сурткөргышто

арулыкым эскера. Мыят тудлан эреак полшем. Пашажым куштылемдаш, кидшым кандараш тыршем.

**Эвелина ВАСИЛЬЕВА.**  
**Волжский, Карай.**

*Ешыште – ныл йоча: Шотлыза Аня, Боря, Вера да Галя. Нунылан – 5, 8, 13 да 15 ий. Ик ўдыр йочаадыш коштеш. Аня Боря деч кугурак. Аня ден Веран ийготыштым ушымеке, кумытлан пайлалтеш. Кажне йоча мыняр ияш?*

## Түткышым тергыше модыш

Звенигово оласе «Жемчужина» спорт да тазалыкым пентгыдемдыше комплексште мини-лапта дене регион-влак кокласе тагасымаш эртаралтын. Российын 7 регионжо гыч 11-12 ияш ўдыр-рвезе-влак тагасеныт. Рвезе-влак коклаште Удмурт Республикын командыже сенышыш лектын. Марий Элын командыже нылымше лийын. Ульяновск кундем гыч толшо ўдыр-влак икымше верым сенен налыныт. Марий Элын ўдыржō-влак кумшо верыш лектыныт.



**Ф  
И  
З  
К  
У  
Л  
Ь  
Т  
-  
У  
Р  
А**

### Коньким чиен

Ош да йўштō теле толын,  
Кече мучко лум лумеш.  
Таче тўгō лектын омыл –  
Мардеж осалын пеш коеш.  
А эрла лиш гын сае,  
ЧиEMAT мотор коньким,  
Лектам куржын ий ўмбаке.  
Конгамбалне ялт ом кий.

**Илья ЛАВРЕНТЬЕВ.**

**Национальный президент школ-интернат.**



Фотом Интернет гыч налме.

### Увер

2022 ий 22-28 январьште Озан олаште Специальный Олимпиадын тўнжамбал телымсе модмашыже эртаралтеш. 107 эл гыч начар тазалыкан 2000 утла атлет да юнирайд-партнёр-влак тагасаш тўжалыт. Чунын деке 3000 наре волонтер да 4000 наре унаушнат.



### Сенгымаш

Школьник-влак коклаште блиц да писе шахмат дене Всероссийский ялысе модмаш Удмурт Республикысе Дебёсы селаште эртаралтын. Марий Элын командыже писе шахмат дене кокымшо верым сенен налын. Михаил Шмаров личный зачётышто рапидыште икымше лийын, а блицыште – кокымшо.

## Капкылым шуарена

Йошкар-Олаште коньки дене мунчалташ ятыр вер уло. Капкылым шуараш тиде пеш сай йōн. Йоча-влак жапыштым компьютер ончылно огыл, уремыште утларак эртарат. Мешге коньки дене мунчалтена. Шольым тений йолгече ўмбаке икымше гана шогалын гынат, мунчалташ тунемын шуын. Йоча-влак, те каныш кечыдам кузе эртареда?

**Настя ИВАНОВА.**

**Морко, Коркатово.**

Телым курык гыч ече, издер дене мунчалташ йōратем. Ерыште вўд кылмымек, коньки дене кошташ лиш. Йолташ-влак дене лумым эрыктена да хоккейла модына. Пўртўс лонгаште жапым веселан эртарена.

**Карина АНИСИМОВА.**

**Кужнер школ.**



Сўрет-влакым шымлен ончалза. Спортын кенезымсе видше пелен улшо онгым ужар тўсыш чиялтыза, телымсе видше пелен улшо онгым – канде тўсыш. Олимпиаде модмашке спортын могай видше-влак пурталтыныт?

## «УКЕ» МАНАШ ТУНЕММАН



Редакцийышке Татьяна И. (Шернур посёлко) деч йодыш пурен:

– Эргым суртышто тўрлө ўчым ыштылеш: обоеш фломастер дене сўретла, талингам пудырылеш... Но мый нигунам ом вурсо. «Тыге ышташ ок лий» манын ойлен ом керт. Кевытыште мом йодеш, чыла налын пуэм. «Уке» манын ом вашеште. Нине шомак-влакым ойлаш кузе тунемман?



Тиде йодышлан психолог, психологий шанче кандидат, доцент Т.Н.ГОЛОВАНОВА (снимкыште) вашмутым пуа:



- ✓ «Уке» шомакым икшывылан шуэнрак ойлыман. Йоча кажне вич минутышто «уке» манмым колеш гын, тудо ончыкыжым тиде мутым шотыш налмым чарна.
- ✓ Иктаж-могай пашам ышташ чарыме годым «уке» шомакым ныжылгын, но ўшанлын ойлыман. Молан тыге ышташ лийдыме нерген умылтарыман. Мутлан, «пырдыжеш фломастер дене сўретлаш ок лий» манмым икшыве иканаште ушышкыжо пыштышаш.
- ✓ Иктаж-мом ышташ чареда гын, йочан кумылжо вола. Икшывым лып-ландараш манын, ондалза. «Мый тыйым умылем, но вет тыге ышташ ок лий», – ойлыза. Тыге йоча энгертыш улмыдам шижеш.
- ✓ Молан ышташ лийдымым йоча огеш умыло гын, уэш шке семынже ышташ тўналеш. «Уке» манын ойлымо гына шагал. Амалжым кўчыкын да раш умылтарыман: кумылжо волымо годым йоча кужу жап колышташ огеш йорате.
- ✓ Южгунам «уке», «ок лий» манме олмеш иктаж-мом весым темлыман. Мутлан, «нине талинга-влак дене модаш ок лий, пудыргат. Шкаф гыч пластмассе талинга-шамычым луктын мод» манын кертыда.
- ✓ Йочан иктаж-мом йодмыжлан «вес гана» манын вашештеда гын, икшыве вучаш тўналеш. Сōрымыдам огыда шукто гын, тыланда ўшанымым чарна.
- ✓ Йочан йодмыжлан ешыште тўрлын вашештышаш огытыл. Садлан кугыен-влаклан ончылгоч кутырен келшыман.

Х.АЛЕКСАНДРОВА мутланен.

## Йолташ – энгертыш

Икана Марий Эл Радион эр эфирштыже «Мыйын йолташем уке, да тудо мыланем огешат кўл. Тыге лийын кертеш мо?» темым канашышт. Мыйт ушнышым. Мый тиде шонымаш дене ом келше. Неле ситуацийыш логалмеке, ме кōлан энгертена? Йолташлан! Тудо пайдале ой-канашым пуа. Йолташ дене пырля куаным, ойгым пайлет, жапым пырля пайдалын эртарет.

Дима ВЕДЕНЬКИН.

1-ше номеран Шернур школ.

Сўретым ончалза. Тушто иканаште мом шекланеда?



**А.Кегель.**

**Б.Кыша.**

**В.Матрешко.**

**Кегель.** У ўшанле йолташым муыда. Тудын дене жапым веселан эртареда.

**Кыша.** Чоныштыда шўлык озалана. Арам ойгыреда, чыла сай лиеш.

**Матрешко.** Тыланда кōранат. Те тидым шижыда. Кōранымашлан тўткышым ида ойыро. Ончыкыжо кыртмен пашам ыштыза.

## Полшаш ямде

Мыйын йолташем – Максим Пушкин. Туд-дене йочасад гыч палыме улына. Кызыт школышко пырля коштына. Максим «4»-ан ден «5»-ан от меткылан тунемеш. «Мый президент лиям гын...» проектше дене Санкт-Петербургышко миен.

Максим – ўшанле да поро йолташ. Тудо кеч-кунам полшаш ямде. Куан ден ойгым лош пайлена. Максим гай йолташым чылан вашлияш тыланем.

Захар ВАСИЛЬЕВ.

Волжский, Пōтъял.



Фотом еш архив гыч налме.



**Йолчиём ынже яклешт манын, мом ышташ лиеш?**

- Тореш-кутынъ лейкопластырьым але кок могыран скотчым пижыктыза.
- Портыш материалым клеитлыза.
- Уремыш лекме деч ончыч пундашым наждак кагаз дене йыгыза.
- Йолчиёмыш телылан күртнӧ таганым шындыза, пундашыш шурупым пүтырыза.
- Күчымӧ паренгым пельгыч пүчса да йолчиём пундашыш йыгыза.
- Акварель чия, гуашь дене йолчиём пундашым чиялтыза.

**Вируслан вер уке**

Телым йочан тазалыкшым кузе аралаш? Йошкар-Оласе кокымшо номеран йоча поликлиникын врач-педиатрже **Е.В.ВШИВЦЕВА** (снимкыште) умылтара:

– Телым йоча-влак кежежымсе деч чүчкыдырак черланат. Вирус тўшка ет коклаште писынрак шарла. Чер деч лўдын, йочам пӧртыштӧ шинчыктыман огыл. Профилактикым ышташ ондакрак тўжлалаш лиеш.

**Икмыняр ой-кагашым шотыш налза:**

Пӧртыш яндар южым чўчкыдын пуртыза.

Уремыш лекме годым йочам утыждене кўжгўн ида чикте. Тудо пўжалтме дене писынрак черлана.

Кечеш кок шагат наре уремыште коштса.

Кажне кечын емыжым, саскам кочса. Эрдене да кастене пел грейпфрутым кочкыда гын, ангине дене огыда черлане. Чеснок, шоган, шоптыр, облепихе иммунитетым пенгыдемлаш полшат.

Леве вўдым, морсым шукурак йўаш тыршыза.

Спорт дене кылым кучыза.

Киддам шовын дене чўчкыдырак мушса.

Ет коклаште улмыда годым маскым чийыза.

**Е.ИВАНОВА** ямдылен.



Фотом еш архив гыч налме.



**Камвозын моштыман**

Киддам кўсеннш чыкен ида кошт.



Ошкедыме годым киддам чотырак лупшыза. Йолчиёмда яклештеш гын, пырдыжым кучаш але иктаж вере эферташ тыршыза.



Кумык камвочмо годым кынервуйдам лушта-рыза да шкендам чараклаш тыршыза.



**Шекланыза!**

**Игече левыктыман кӧра пӧрт леведыш ўмбач лум да ийсўс волен возын кертыт.**

Оралте леведыш йымалне ида кошт.

Пӧрт ончылно кужу жап ида шого. Пӧрт деч 5 метр торашке коранза.

Пӧрт гыч лекмыда годым лум волымо йўкым колыда гын, пырдыж деке пызныза.

Оралтыш пураш тўналме деч ончыч вуйдам кўшкӧ нӧлталын ончалза.

Кечалтше лум, ий але ийсўс деч шекланыза.

Комдык камвочмо годым вуйдам он пелен пенгыдын кучаш тыршыза. Чот пернаш огыл манын, киддам шаралтыза, кынервуйыш ида эферт.



Калпак, капюшон вуй перналтме деч аралат.



Шӧрын камвочмо годым йолым он пелен ишыктыза, кидвургыш эферт.

## Пөрт шенгелне – ечыгорно

Ура! Теле каныш кече толын шуо. Еш дене курыкыш мунчалташ каена.

Ечемат яра ок шого. Пөрт шенгелне ечыгорным тошкенам.

Теве Савва шольым почешем нушкаш төча.

Ынде Ий полатыш коньки дене мунчалташ каяш шонена.

**Алина СОЛОВЬЁВА.**

**У Торъял, Немда.**



Морко район Коркатово лицейын 4-ше классыштыже тунемше-влак Даша Сошина ден Даша Кушакова (**снимкыште**) «Пионерская правда» газетын эртарыме



«Здравствуй, зимушка-зима» всероссийский сүрет конкурсышто усталыкыштым тергенит. Ёдыр-влакым сүретлаш туньктышо Н.Ф.Петрова кумыланд. Даша Кушакован пашаже «Пионерская правда» газетеш савыкталтын. Изи ёдырлан тиде кугу пиал да куан.


**В.СМИРНОВЫН** фотожо.

## Пырля модына

### Кө писе?

Модашлан төр верым ойырыман. Старт ден финишым палемдыман. Модшо-влак мужыр дене пайлалтыт да издерышке икте-весышлан туп дене шинчыт. Кудо мужыр финишыш эн ондак миен шуэш, тудо сенышыш лектеш. Тагасыме годым издерым йол дене веле шўкаш лиеш.


## 9 февраль – Стоматологын тўнямбал кечыже.



Сүретым чиялтыза.

*Лум лумеш, лум лумеш,  
Эркын мландышке велеш.  
Олыктам да пасулам  
Ош төмак ден леведеш.*

**Рома ИШМАНОВ.**  
Татарстан, Агрыз, Буймо.



**Даша ИГНАТЬЕВАН** сүретше  
**У Торъял, Немда.**



Индекс: П4696.  
Тираж 1150 экз. Заказ  
Формат – А-4-8.  
Тўн редактор **Л.В.СЕМЕНОВА.**

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше:  
[yamdelii.pf](http://yamdelii.pf)

**УЧРЕДИТЕЛЬ-ВЛАК:** Марий Эл Республикысе культур, печать да калык-влакын пашашт шотышто министерстве, «Ямде лий» газет» кугужаныш унитарный казна предприятий.

Газетым редакцийште погым да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымаште законодательством шуктен шогымым эскерыше Федеральный службын Приволжский федеральный округысо управленийыштыже регистрироватыме.  
Номер – ПИ №ФС 18-1999,  
2005 ий 10 февральыште пуымо.

**0+**

Печатыш пуымо жап – 14-00,  
фактически – 13-00

Авторын да редакцийн шонмашышт түрлө лийын кертыт. Серыш-влак мбнгеш огыт колталт.  
Ак – кутырен келшыме почеш.

Редакцийн да издателыне адресше:  
424006, Йошкар-Ола, СССР Вооружённый Вийын 70-ше идалыкше урем, 20-шо пөрт.  
Тел. 8(8362) 45-22-82(факс)

**Теле каныш**



Иделия ИШМУРЗИНА.  
Татарстан, Агрыз, Буймо.



Степан УХТОМСКИЙ.  
Звенигово ола.

**Конкурс**



Катя НИКОЛАЕВА.  
Советский, Люперсола.

Сүрөтүм ончен, пийын, пырысын да кайыкын нелытыштым палыза.

80 КГ	66 КГ
18 КГ	???

Фигур-влак дене примерым шотлен лукса.

		+		=			
				-		=	
	+					=	

**Тушто**


Лум ден мечым пӧрдыктен.  
А ведра утшлан йӧрен.  
Кидлан воштырым ыштен.  
Мыйын лекте сай ...

Ирина ПЕТРОВА.  
Морко, Коркатово.

Ўмылкам муза.

**Математике кроссворд**

	+	8	=	10
+		-		+
6	-		=	3
=		=		=
8	+	5	=	



Тыште мынар тре-угольни-кым ужда?



Марий Элыште Йошкар книгашке пуртымо янлык ден кайык-влакым лӱмышт дене келыштарыза.



Шашке

Пӱркыт

Рокмераг

Лачинвараш

Вӱдшашке

Интернетысе сӱрет-влакым кучылтмо.